

## A O le vala’au (Esoto 3):

### ❖ The Burning Bush (Esoto 3:1-6)

- O le 40 o tausaga na nofo ai Mose i Mitiana e mafai ona tao-aofai e faapea: na ia faaipoipo atu ia Sepora, na fanau ai ona atalii e toalua, ma sa ia auuina atu o se leoleo mamoe mo le tamā o lana avā. Sa ia tuuina atu foi lea taimi e tusia ai ni tusi se lua: o lopu ma Kenese, e sili ona taua ia malamalama i autu moni o le faaolataga. Ae na suia ia mea uma i sina taimi.
- I Horepa (Mauga o Sinai), na faaali atu ai le Agelu a le Atua ia Mose i le laau talatala na mu (Esoto 3:1-3). O ai lenei Agelu? O le Atua lava ia (Esoto 3:4). A’o lei liu tino tagata, sa faaali mai ai Iesu i le tele o taimi o le “Agelu a leova” (Kenese 22:11-17; Faamasino 6:11, 16; 13:17-22; Sakaria 3:1-2).
- Pe a talanoa atu ia Mose, e faailoa atu e le Atua ia lava o se Atua o Aperamo, Isaako, ma Iakopo. O loo manino lava lea manatu: Na afio ifo le Atua e faataunuu le folafolaga na faia ma nei Pateriaka ma tuuina atu ia Isaraelu le laueleele o Kanana (Kenese 12:7; 26:3; 48:3-4).

### ❖ O faatonuga a le Atua (Esoto 3:7-12)

- Ua faailoa mai e le Atua ia lava o se Peresona Malosi, o loo faaogaina veape e faailoa mai ai le galuega o le a faia: silasila, afio a’e, ma aveese mai (Esoto 3:7-8).
  - (1) **SILASILA:** E le manatu mamā le Atua i mafatiaga. E silafia e la o mea uma. Ae sili lava ona la silasila i tiga ma le faamasinoga lē tonu o loo faia faasaga atu i Ona tagata (2Tupu 9:26).
  - (2) **AFIO A’E:** E le nofo ffilemu le Atua. E afio mai o la e savavali faatasi ma i tatou. E mau o la faatasi ma tagata soifua (Esoto 29:45; Ioane 14:16-17)
  - (3) **AVEESE MAI:** O loo galue le Atua i Lana lava taimi, ia faasa’oloto i tatou mai puapuaga ma ia faataunuu Ana folafolaga (Ieremia 29:11)
- Sa manaomia foi e le Atua ni faatinoga ma’oti mai ia Mose: Ina e alu i Aikupito ma aveese mai O’u tagata ‘ai lea mea (Esoto 3:10, 12).
- Sa mamafa-tu ia Mose lea lava galuega. Ua ia le toe manao e faaogaina lona malosi; ua le o toe i ai sona lagona e mafai ona faataunuuina ai o lea misiona; sa na ona ia alaga, “O ai ea a’u nei?” (Esoto 3:11).
- Ua liua lona faamaualuga i se lotomaulalo. O le mea moni, o le taimi tonu lea ua saunia ai o ia mo lana misiona.

### ❖ O le suafa o le Atua (Esoto 3:13-22)

- O atua uma o Aikupito e i ai o latou igoa, ae o Isaraelu e tapuai atu i le “Atua e Ona le Malosi uma lava” (Esoto 6:3). Ina ua mavae ni seneturi o lea aafiaga i Aikupito, ona mananao lea o tagata Isaraelu e fia iloa le suafa o lo latou Lavea’i (Esoto 3:13).
- O ia ona taimi e fesootai atu se igoa i uiga o se tagata, na faailoa mai ai foi e le Atua o la lava i se tasi o uiga autu o Lona suafa: ‘ehyeh (e i ai pea). O le Atua e faavavau, sa i ai lava, ma o le a i ai pea. O A’u “O LE OLA” (Esoto 3:14).
- I taimi ua alu, na leiloa ai le faaleoina o lenei igoa. Ae na faatagaina e le Atua lenei mea ona e le o le igoa e taua, a’o lona uiga. Na la faatatau i o tatou manaoga. E mafai ona tatou valaauina o la o le “Leoleo mamoe;” “O Le faamalolo;” “O la na te tausia;” “Tama” ..., “Alofa”
- O le mea sili ona taua, e finagalo le Atua ia tatou lagona le vavalalata, faigofie ona talanoa atu, mea e tatau ona manaomia, ma se uo mamae.

## B O se misiona ua mae’a (Exodus 4):

### ❖ O ‘alofaga e fa a Mose (Esoto 4:1-17)

- A’o lei ta’utino atu lona le manao e faataunuu le misiona na tuuina atu e le Atua ia te ia, na faailoa atu ai e Mose ni ‘alofaga “atoatoa” se fa mo le teenaina o lea tulaga. Mo ia ‘alofaga taitasi, na tali atu ai le Atua faatasi ai ma se folafolaga.

| ‘ALOFAGA                                                                   | FOLAFOLAGA                                                                    | A’OA’OGA                                                                                                                                                                                                                                |
|----------------------------------------------------------------------------|-------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------|
| “O ai ea a’u nei?”<br>(Esoto 3:11)                                         | “Ou te ia te oe lava”<br>(Esoto 3:12)                                         | O le malosi e faataunuu ai se faatonuga a le Atua e le i luga lea i ai tatou, ae o le mea moni o le Atua lava e faamalosi i ai tatou. O le a la faatasi ma i tatou e pei ona la i ai ia Mose.                                           |
| “O ai ea Lona suafa?”<br>(Esoto 3:13)                                      | “O A’u o Le ola, o loo ola lava” (Esoto 3:14)                                 | E moni le Atua, e faavavau, ma e patino lava ia te ia; na la folafola mai ma Na te taasisia lava Ana folafolaga; e la faatapulaaina; e faatuatua lava i taimi uma                                                                       |
| “Latou te le talitonu mai ia te a’u pe faalogo mai i sa’u upu” (Esoto 4:1) | “O le a latou talitonu mai ia te oe ona o faailoga o le a e faia” (Esoto 4:8) | Na tuuina atu e le Atua ia Mose le mana e faatinoina a’i vavega, ma Na te galuea’ina loto o tagata ia talitonu i ia vavega. Ua folafola mai foi e Iesu ma ta’utino mai o le a la faia lea lava mea e tasi mo i tatou (Mareko 16:17-18). |
| “O au o le tagata e leiloa fai se lauga”<br>(Esoto 4:10)                   | “Ou te aoao atu foi ia te oe i upu e te tautala atu ai”<br>(Esoto 4:12)       | E le o la ea na faia le gutu ma o le a la tuuina ma i ai tatou upu e tatau ai i le taimi talafeagai ai? Esoto 4:11; Luka 12:11-12)                                                                                                      |

- Ona fetalai atu lea o le Atua ia Mose, “Ua lava ia au ‘alofaga; e te mafaia lava ona fai, auā e te faia lava” (Esoto 4:14-17).

❖ **O le toe foi atu i Aikupito (Esoto 4:18-31)**

- O le laasaga muamua lava na faia e Mose i le toe foi atu ai i Aikupito, o le ole atu lea i le tamā o lana avā mo se faatanaga (Esoto 4:18). Na ia ave lona aiga, ma ua amata loa ona alu le faigamalaga (Esoto 4:20). Ae na i ai se mea na tupu e ofo ai. Ao i ai i latou i le ala, na manao le Atua e fasioti ia te ia (Esoto 4:24).
- Sa malamalama Sepora i le mea ua tupu, ma sa ia faia loa se auala e tatau ai ina ia ‘aloese ai mai se iuga matautia: ua ia peritomeina lana tama (Esoto 4:25).
- E lei peritomeina e Mose lona atalii ae na (ta’ina e ala i lana ava). O le mea lea na ia le usita’ia ai tuutuuga o le feagaiga na osia e le Atua ma Aperamo (Kenese 17:10).
- O se lagona e teena ai le usita’ia o se faatonuga manino faalelagi, na faaleaogaina ai Mose mai lona taitaiiga o le nuu. O lenei tulaga e ao lava ona faaleleia a’o lei faataunuuina lana misiona